

19° CONCORSO LETTERARIO

(scuola primaria e secondaria di primo grado)

Su SistemaBibliotecariu "Monte Linas" - Provincia de su Sud Sardigna e sa Sisar s.a.s. proponint sa XIX° edizioni de su concursu letterariu arriservau a is pipius e a is piciocheddus de is scolas primària e secundària de primu gradu de is comunis ca aderint a su Sistema, cun su títulu

"ELEMENTARE WATSON!"

Su giallu est unu gèneri letterariu nàsciu a manera conventzionali in su 1841 cun "I delitti della Rue Morgue" de Edgar Allan Poe e ca s'est pustis spaniau meda candu est nàsciu s'investigadori Sherlock Holmes fatu de sa pinna de Sir Arthur Conan Doyle. In realtadi sa definitzioni giusta de su gèneri est poliziescu, scèti in Itàlia si narat giallo de una collana famada cun sa copertina groga, édita de Mondadori e dedicata a is romanzus poliziescus. Ancora oi candu si chistionat de unu mistèriu o de unu cosa de risòlviri si impreat cussu chi est oramai su sinònimu "giallo".

Sa struttura de custu gèneri letterariu est fàcili meda:

- * Unu enigma de risòlviri
- * Unu investigadori ca arragollit inditus e fait ipótesi
- * Sa soluzioni de sa cosa, e duncas s'agatai su colpèvoli, ca serrat su contu

Si podit nai a manera segura ca su giallo siat unu gèneri ca rassicurat e educativu poita, a sa fini, su colpèvoli dd'acabat sèmpiri in galera e duncas sa legalidadi bincit sèmpiri.

Sa punna de su concursu est cussa de stimolai sa letura, sa scrittura e sa creatividadi de is piciocheddus po mèdiu de unu gèneri letterariu interessanti, spassiosu e puru interativu poita su letori partécipat a s'indagini, fait ipótesi e si intendit imboddicau in sa chirca de sa soluzioni de s'enigma.

Seus chistionandu a is scritoris giòvunus cosa nostra cun una sfida a s'úrtime pinna ca ddus at a portai a sa fini a nai, comentu fait Sherlock Holmes a s'assistenti cosa sua: "Elementare, Watson!"

Regolamentu

- 1) Dónnia elaborau at a dèpiri èssiri originali e inèditu e at a pòdiri èssiri acumpangiau de unu disènniu.
Is traballus ant a dèpiri èssiri trasmítius in paperi. Est richièdidu s'impreu de paperi in A4 lassendu unu óru de 1 cm a dónnia parti po permítiri sa rilegadura in unu fascículu solu.
Is elaboraus ca no ant a arrispetai is indicatzionis richièdidas no ant a pòdiri èssiri rilegaus in sa dispensa ca at a èssiri posta a dispositzioni de su púbblicu in is cantu bibliotecas de su Sistema.
- 2) S'at a pòdiri partecipai a su cuncursu a sa sola o in classis scolàsticas.
- 3) Is elaboraus ant a dèpiri arribai a manera firma intra e non pustis su 4 de friaxu 2023 – ora de is 12.00, portaus a manu o cun sa posta (at a fai fidi su timbru postali), a sa biblioteca comunali de appartenéntzia.
- 4) Is elaboraus ant a dèpiri arribai aintru de una busta serrada e in foras de custa ddoi at a dèpiri èssiri scritu s'indiritzu de sa biblioteca e sa dicitura: Cuncursu leteràriu “Elementare, Watson!” - scola primària o scola secundària de primu gradu, bidda de proveniéntzia e nómmini de s'Istituto e de su plessu eventuali. Is elaboraus ant a dèpiri tènniri nómmini, sangunau e edadi de is autoris. Si pedit de alliongiai unu fòlliu cun is nómminis scéti de is pipius ca partécpant, is datus anagràficus de su maistu de riferimentu e su recàpitu telefónicu de sa scola o, in ocasioni de partecipazioni a solu, su nómmini e sangunau , sa classis, sa scola de appartenéntzia e unu recàpitu telefónicu.
- 5) Sa partecipazioni a su cuncursu est a indonu e est una autorizazioni crara a sa publicatzioni no a “fini di lucro”. Is òperas mandadas no ant a èssiri torradas. Is organizadoris declinant dónnia responsabilidadi po pérdidas eventualis o strobis de calisiat arratza ca podessint sussèdiri in s'interis de sa cunsénna de is traballus a sa Segreteria de su cuncursu o ca pertocat a su ddu fai.

Is alunnus e/o is classis ca ant a partecipai a su cuncursu ant a donai sa possibilidadi a sa scola insoru de arriciri a indonu unu cantu liburus po piciocheddus ca ant a andai a arricai sa biblioteca scolàstica.

Po informatzionis:

Biblioteca comunali – Arbus – Pratzza San Lussorio – tel. 0707340529

Biblioteca comunali – Gonnos – Bia Gramsci, 19 – tel. 0702051219

Biblioteca comunali – Gúspini – Bia San Nicolò, 12 – tel. 0709760602

Biblioteca comunali – Pabillonis – Bia Su Rieddu, 4 – tel. 0709353957

Biblioteca comunali – Santu Baíngiu Monreali – Bia Leonardo, snc – tel. 0709339071

Biblioteca comunali – Sàrdara – Bia Manzoni, 7 – tel. 0709387559

Biblioteca comunali – Biddacidru – Bia Regione Sarda, 65 – tel. 0709316551